



Ayera mainta miembronan di e directiva di Koniging Wilhelmina Fonds señora V. Maduro y señora I. Guda a haci un bishita di cortesia cerca su Excelencia Gobernador F.B. Tromp. Durante e reunion cortico aki Gobernador F.B. Tromp a haci uso di e oportunidad pa entrega e representantenan di e fundacion su donacion, simbolizando di e forma aki e promer pa inicio di e accion di luna di April pa recaudacion di fondo pa continuidad di e labornan pa combati cancer.

## Carlos Hill Cont. di pag. 13

yudabo segura bo carrera cu exito.

Ademas di ricibi certificadonan internacional bo por continua bo educacion pa bo bira un buseador comercial pa si encaso Gobierno dicidi di bay bora petroleo den offshore na Aruba, nos di Aruba lo por tin personanan cualifica pa e tipo di trabaonan aki.

### MESTER CAMBER DI DECOMPRESION

Durante e entrevista Hill a manifesta cu Gobierno mester facilita hospital cu un camber di decompression.

Segun Hill esaki lo sirbi den casonan di emergencia cu un buseador.

Ya Curaçao y Boneiro tin un camber di decompression y Aruba tambe mester di un ya cu e industria di buseadornan ta creciendo dia pa dia mas y mas.

E camber di decompression tambe por worde usa pa tratamento di personanan cu tin defecto di circulacion y pa experimentonan medico.

### MESTER DI LEY PA PROTEHE RIFNAN

Hill durante e entrevista cu DIARIO a gradici e personanan cu a coopera cu mantencion di nos rif-

nan.

Despues cu Hill a haci algun investigacion bao awa e ta haya cu e rifnan ta den bon condicion.

Sinembargo mester bin cu leynan nobo pa proteccion di e rifnan engeneral pa motibo cu tin hopi hende cu ta bay tira piscanan cu harpoen y esaki ta causa destruccion di e bunita cu nos tin rond di Aruba.

Señor Hill ta spera cu tur e otro watersportnan conhuntamente cu Gobierno lo yega na un arreglo pa asina bin cu leynan nobo pa protehe e rifnan pa asina tur hende por disfruta di nan y pa nos por crea un marine life park na diferente lugar rond di e isla.

Hill a manifesta cu ya por mira cuanto hotelnan ta bay habri nan porta aki na Aruba, cual kiernen nos mester tin mas personal cualifica pa trabao nan di watersport y tambe comercial.

### CURSONAN DI BUSEO

Dia 11 di April, señor Hill ta cuminsa cu curso nan di buseo.

Hill a manifesta na DIARIO cu e ta ofrece graduacion internacional di PADI pa: open water diver, advanced diver, rescue diver, medic first aid, specialty courses, master scuba diver, assistant in-

structor.

Segun Hill su programa ta combina cu e ultimo den theoria, training cu un carrera intensivo yen di actividadnan diverticion y educativo.

Pa mas informacion por yama instructor Danetchi na telefoon 28973.

### CALCULOS URINARIOS

- Pulverizacion por ondas
- Expulsion por via urinaria
- Tratamiento sin hospitalizacion.
- NO REQUIERE ANESTESIA.

Instituto de Urologia y Nefrologia Valencia C.A.  
Tlf. (041) 216062 - 216260  
Exts. 301 y 316



**Ebony & Ivory**  
Unisex Beauty Salon

**TA ANUNCIA**  
cu nan a cambia di adres  
Antes  
Havenstraat 9-A  
Awor  
Emmastraat 3-B  
tel. 25068  
(edificio di Radio  
Kelkboom bieuw).

Telefoonnan di Diario  
Tel: 26747  
Tel: 22207  
Tel: 35026



# Horoscopo

## ARIES

Maart 21 - April 19

Dedica mas tempo na bo famia. Nan ta bay tin mester di bo ayudo pronto.  
Number di suerte awe: 34

## TAURUS

April 20 - Mei 20

No permiti tencionnan chiquito di bo famia. Esaki lo alterabo comportacion.  
Number di suerte awe: 18

## GEMINI

Mei 21 - Juni 20

No metebo den asuntonan sentimental di otro personanan. Esaki lo por ocasiona un disgusto grave.  
Number di suerte awe: 56

## CANCER

Juni 21 - July 22

Bo no mester anuncia bo plannan. Tin un persona cu lo bay haci tur cos cu ta posibel pa kibra bo plannan.  
Number di suerte awe: 92

## LEO

Julij 23 - Augustus 22

E romance cu bo tin por dunabo algun preocupacion. No pone mucho atencion na loke hende ta papia.  
Number di suerte awe: 72

## VIRGO

Augustus 23 - September 22

Problemanan di pasado lo por afecta bo sensibilidad. Bo mester bay dokter pa check bo salud.  
Number di suerte awe: 13

## LIBRA

September 23 - October 22

Utilisa tur bo encantonan pa bo relacionnan social por tin exito. No haci operacion financiero cu ta hopi riesga.  
Number di suerte awe: 65

## SCORPIO

October 23 - November 22

Un cierto persona lo por complica cosnan pabo. Dedica mas tempo posibel na ideanan creativo.  
Number di suerte awe: 87

## SAGITARIUS

November 23 - December 21

Evita actividadnan cu lo por trece dificultad cu bo pareha. Demostre amor y comprension.  
Number di suerte awe: 66

## CAPRICORNIO

December 21 - Januari 19

Awe ta un dia fabuloso pa bo sali distrae bo mes cu bo amiga y amigonan. No bebe hopi alcohol.  
Number di suerte awe: 80

## ACUARIUS

Januari 20 - Februari 18

Bo lo bay tin oportunidadnan pa conoce personanan di hopi importancia, y cu lo por trece un cambio den bo bida.  
Number di suerte awe: 82

## PISCES

Februari 19 - Maart 20

Awe bo lo ricibi tur cos cu bo ta desea di bo pareha. Aprecia esaki.  
Number di suerte awe: 90

